



Sara Olsvig  
Inatsisartuni ilaasortaq  
Inatsisartut Allattoqarfia

### §37 022 Immikkut siunnersortit aamma kattuffiit

Naalakkersuisut ulloq 23. januar 2014 Inatsisartut Suleriaasianni §37 naapertorlugu apeqqutinik Inatsisartuni ilaasortamit Sara Olsvigimit, Inuit Ataqatigiit, tigusaqarsimapput.

06-02-2014  
Sags nr. 2014-095481  
Dok. nr. 1480221

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Apeqqutinut akissutit:

1) Naalakkersuisunut ilaasortanut immikkut siunnersortinik atorfinitsitsisarneq aamma aningaasarsiaqartitsisarneq pillugu kaajallaasitamut atatillugu kattuffiit kikkut Naalakkersuisut isumaqatiginninniaqatigivaat?

#### Akissut:

Kattuffiit isumaqatiginninniarfigineqarsimanngillat, maannakkut isumaqatiginninneriaaseq akissarsianut inissisimaffimmullu tunngatillugu sumik ilinniarsimassutsikkut tunuliaqutaqarnermik tunngaveqarmat, isumaqatigiissutit aalajangersimasut apeqqutaatillugit. Atorfiit pineqartut, immikkut siunnersortinik atorfigineqartut, suliaasat suuneri apeqqutaatillugit inunnit assigiinngitsunik ilinniagaqarsimasunik inuttalerneqarsinnaapput.

2) Akissaateqarfik immikkut siunnersortit akissarsisinneqartarneranni immikkut siunnersortit pillugit kaajallaasitaq naapertorlugu atuuttussatut Naalakkersuisunit nalunaarutigineqarnikuusoq qanoq kikkullu isumaqatiginninniaqataaffigivaat?

#### Akissut:

Allaqaataani apeqqut 1-imut akissut takuuk. Akissarsiaqarfik suliaq annertussusaa, immikkut ittumik atuunna siunnersuinissamullu akisussaaffik aallaavigalugit toqqarneqarsimavoq.

3) Immikkut siunnersortinut kaajallaasitaq naapertorlugu atorfinitsinneqartut atugaannut atuumassuteqartuni kikkut isumaqatiginninniarnissamut piginnaaniligaappat?

#### Akissut:

Soqanngilaq. Takuuk apeqqut 1-imut akissut.

4) Immikkut siunnersortinut kaajallaasitaq malillugu Naalakkersuisut immikkut siunnersortissaminnik toqqaaginnarsinnaatitaagunik, taamaasillutillu inuit nalusamik imaluunniit imminerminnut innersuunneqarsimanngitsut qinnuteqaataannik misissuinissaminnut Naalakkersuisut periarfissinneqanngikkunik taava qanoq ilillutik Naalakkersuisut qulakkeersinnaavaat atorfinitsinneqartussat tassaassasut inuit piukkunnaateqarnerpaat?

**Akissut:**

Naalakkersuisut sulisutigut isumalluutit/inuit, Naalakkersuisut suliaannik ingerlaavartumik kivitassaannut piukkunnarnerpaat atussallugit isiginiartuaannarpaat. Tamatumunnga atatillugu atorfiup siunertaq pitsaanerpaaq naapertorlugu inuttalerneqarnissaanut akisussaaffik Naalakkersuisunut ilaasortani ataasiakkaaniippoq. Tamatumani nalinginnaanerpaaq tassaavoq, Naalakkersuisut politikikkut suliniutai anguniagaallu timitalersorniarlugit atorfimmuut piukkunnaateqarnerpaap atorfinitsinneqarnissaata qulakkeerneqarnissaa. Immikkut siunnersorti Naalakkersuisunut ilaasortamik politikikkut matoqqasumik oqallisigineqartussanik eqqartuisinnaasariaqarpoq. Tamatumani piunasaqaataasoq tassaavoq, Naalakkersuisunut ilaasortap immikkullu siunnersortip akornanni tatigeqatigiissinnaaneq, aammalu Naalakkersuisunut ilaasortap immikkut siunnersortip unneqqarissuunissaata qularutiginninnissaa.

Inussiarnersumik inuulluaqqusillunga



Aleqa Hammond

Naalakkersuisut Siulittaasuat